

Ёрил, чакмоққа айлан сен...

Муаззам боғларнинг гуллари, ҳатто, ягона оилага мансуб бўлсалар ҳам, бир-бирига ўхшамайди. Ҳар бири ўзига ярашган дилбар чеҳраси, анвойи ифорлари, инжа гўзаллиги билан ажралиб, мафтун-мағлиё этади ошуфтадил нигоҳларни.

Фарғона водийсининг уч вилояти ҳам, гарчанд бир оиланинг учта азамат пахлавонлари янглиғ алпона қоматлари билан водий шонини оламга кўз-кўзлаётган бўлса-да, ҳар манзилнинг ҳавоси бошқа. Фарғона – ўзбек қадимий меҳмоннавозлиги, Андижон – мард, ўқтам ва хиёл жангарилиги, Наманган... Наманган эса гўё бундай фазилатларнинг ҳаммасини жисму жонига сингирган Раҳимбобо – Бобораҳим Машраб сингари исёнкор шиддати билан дарё-дарё меҳр олиб киради юракларга.

Беназир шоир Эркин Воҳидов: «**Шоҳи Машраб қони сенда урди туғён, ўзбегим**» дея ҳайқирганда, халқимизнинг улғу даҳолари сафидаги валий зот Машраб тимсолида наманганликларга, барча ўзбек халқига хос муқтадам хислатларни мутафаккирона ифодалаган бўлса, ажабмас.

Гуллар водийси бўлмиш Фарғонанинг шимолида, денгиз сатҳидан қарийб 500 метр баландликда: бир ёғи Андижону

Фарғона, бир ёғи Тошкент, яна бир ёғи Қирғизистону Тожикистон ерларига туташиб кетган бу дилбар кўрғон не-не Машрабу Усмон Носирларни аллаб ўстирди иссиқ кучоғида.

Садоқатли фарзандлар ҳам оқ сут берган онасидек суйдилар, ардоқладилар киндик қони томган муқаддас Наманганни.

«**Намангандан кетар бўлсам, мени йўқлар кишим борму?**» – алломою авлиё Бобораҳим Машраб фарёди эди бу. Буниси эса, ҳали ўттиз бешга қирмай адабиёт осмониде куёшдек чарақлаган бетимсол талант ва... босқинчи-жаллодлар тиғида жувонмарг кетган оташқалб шоир Усмон Носир нидоси эди:

«**Итоат эт, агар сендан Ватан рози эмас бўлса. Ёрил, чакмоққа айлан сен, Ёрил, майли, тамом ўлсам!**»

Не бахтки, армону орзулар табаррук зотлар юрти бўлган қадим Наманган энди кундан кунга яшнаб, яшариб бормоқда.

>>> 3



ПРЕЗИДЕНТ ҚИШЛОҚ ХЎЖАЛИГИДАГИ ИШЛАРНИ КЎЗДАН КЕЧИРДИ



Президент Шавкат Мирзиёев ҳудудларнинг ижтимоий-иқтисодий ривожини билан танишиш мақсадида 10 февраль куни Жиззах вилоятига ташриф буюрди. Сафар дастуридаги биринчи манзил Пахтакор туманидаги «Пахтакор элита уруғчилиги» фермер хўжалиги бўлди. Қишлоқ хўжалиги соҳаси мутасаддилари ва пахта-тўқимачилик кластерлари раҳбарлари билан мулоқотда ҳосилдорликни ошириш, аҳоли бандлигини таъминлаш бўйича кўрсатмалар берилди.

ЯНГИ САНОАТ КОРХОНАЛАРИ БИЛАН ТАНИШУВ



Давлатимиз раҳбари «Жиззах» эркин иқтисодий зонасидаги корхоналар фаолияти билан танишди.

«Жиззах» эркин иқтисодий зонасида 27 та лойиҳа амалга оширилиб, 5 минг 300 га яқин иш ўрни яратилган. Охириги йилларда унинг фаолияти такомиллаштирилиб, бизнесга қулайлик кенгайтирилди. Ҳозир бу ерда кўп турдаги sanoat маҳсулотлари ишлаб чиқарилмоқда. Улар қаторига 2022 йил октябрда «Iruskop» қандолат корхонаси ҳам қўшилди. Президентимиз унинг иш жараёнини, маҳсулотларини кўздан кечирди.

ЖИЗЗАХДА ОЛИЙ ТАЪЛИМ МУАССАСАЛАРИ КЎПАЙМОҚДА



Президент Шавкат Мирзиёев Жиззах шаҳридаги Қозон федерал университети филиалида бўлди.

Ушбу университет Россиядаги энг қадимий ва кенг қамровли олий таълим муассасаларидан бири. Унинг Жиззах филиали ўтган йили иш бошлаган. Давлатимиз раҳбари муассаса фаолиятига доир кўрсатмалар берди.

САНОАТНИ РИВОЖЛАНТИРИШ ЧОРАЛАРИ БЕЛГИЛАНДИ, ЯНГИ КОРХОНАЛАР ИШГА ТУШИРИЛДИ



Президент Шавкат Мирзиёев 10 февраль куни Жиззах вилоятида sanoatни ривожлантириш ва қайта тикланувчи энергия манбаларини кўпайтириш масалари бўйича йиғилиш ўтказди.

Йиғилиш сўнгида яна бир муҳим воқеа – 3 та янги корхона ишга тушириш маросими бўлди. Улар – Фориш туманидаги «Есо Basalt Group», Жиззах sanoat зонасидаги «Mono Electric» ва «Super medical elements» ширкатларидир.

ТУРК ҚАРДОШЛАРИМИЗГА ЯНА БИР БОР ҲАМДАРЛИК



Президентимиз 9 февраль куни Туркия Республикасининг Ўзбекистондаги элчихонасига бориб, қардошларимизга яна бир бор ҳамдардлик билдирди. Давлатимиз раҳбари Ўзбекистон барча зарур ёрдамга тайёрглигини билдирди. Элчихонада очилган ҳамдардлик китобига тасалли сўзларни ёзиб қолдирди.



Қашқадарё вилояти

Жамоатчилик назорати

Иш ҳақлари ундириб берилди

Ўзбекистон касабаси уюшмалари Федерациясининг меҳнат ҳуқуқ ва меҳнат техник инспекторлари томонидан «Қашқадарё сув таъминоти» МЧЖ ҳамда унинг туман ва шаҳар филиалларида жамоатчилик назорати олиб борилди.

Меҳнатни муҳофаза қилиш ишлари ташкил этилиши, ходимларни меҳнат муҳофазаси бўйича ўқитиш, махсус кийим-бош, пойабзал, бошқа шахсий ҳимоя ва гигиена воситалари билан бепул таъминлаш, даврий тиббий кўриқдан ўтказиш ҳамда норматив-ҳуқуқий ҳужжатларга риоя этилиши ишлари ўрганилди ва бу йўналишларда 310 та камчилик аниқланди. Шунингдек, ходимларни ноқонуний ишдан бўшатиш, меҳнат таътиллари ўз вақтида бермаслик, зарур иш шароитларининг йўқлиги, меҳнат шартномаларининг қонунида белгиланган тартибда тузилмагани каби салбий ҳолатлар, шунингдек, 5 миллиард 169 миллион 300 минг сўмлик иш ҳақидан қарздорлик борлиги маълум бўлди.

Юқоридаги хулосаларга асосан, иш бевуричларга 16 та кўрсатма берилди. Муҳими, ходимларнинг иш ҳақидан қарздорлиги бартараф этилди.

Бундан ташқари, Ўзбекистон касабаси уюшмалари Фе-

дерацияси Қашқадарё вилояти кенгашига «Косон нефть газ қидирув экспедицияси» МЧЖ ходимлари томонидан қилинган мурожаат юзасидан корхонада жамоатчилик назорати тадбирлари ўтказилди.

Ўрганишлар якунида ходимларга 7 миллиард 928 миллион 797 минг сўм иш ҳақидан қарздорлик ундирилишига эришилди.

Этиборли жиҳати, инспекторлар нафақат маҳаллий, балки мамлакатимиздаги хорижий корхоналарда ҳам жамоатчилик назорати ва ўрганиш ишларини олиб боришаётир. Унга кўра, шу тармоққа мансуб 3409 нафар ходимга 11 миллиард 345 миллион 889 минг сўмлик иш ҳақи ундириб берилди.

Шамсиддин САТТОРОВ,
Ўзбекистон касабаси уюшмалари Федерацияси Қашқадарё вилояти кенгаши меҳнат ҳуқуқ инспектори

Тадбир

Қонунчилик янгиликлари шарҳи

Транспорт, йўл ва капитал қурилиш, қурилиш индустрияси ходимлари касабаси уюшмаси Тошкент шаҳар кенгаши томонидан янги таҳрирдаги Меҳнат кодекси тарғиботи бағишланган тадбир ўтказилди.



Меҳнат қонунчилигидаги янгиликлар билан тармоқ касабаси уюшмаси Тошкент шаҳар кенгаши мутахассислари йиғилиш иштирокчиларини яқиндан таништирди.

Қонунда назарда тутилган қатор ўзгаришлар, табиийки, меҳнат шартномаларида ҳам ўз аксини топади. Тадбир иштирокчилари ишга қабул қилиш, ишдан четлатиш, меҳнат таътиллари ва ишчи-ходимларга яратилаётган имтиёз ва енгилликлардан ййигиланларни бохабар қилди.

Тадбир давомида Транспорт, йўл ва капитал қурилиш, қурилиш индустрияси ходимлари касабаси уюшмаси Тошкент шаҳар кенгаши раиси Ҳ.Сайдалиевнинг 2022 йил бўйича ҳисоботи ва жорий йилда амалга оширилиши кутилаётган ишлар режалари тингланди.

Кўтарилган масалалар юзасидан иштирокчиларнинг таклиф ва мулоҳазалари ўрганилган ҳолда Транс-

порт, йўл ва капитал қурилиш, қурилиш индустрияси ходимлари касабаси уюшмаси Тошкент шаҳар кенгаши томонидан қарор қабул қилди. Унда йил давомида амалга оширилиши кўзда тутилган ишлар кўлами ўз аксини топган.

Умида ХУДОЙБЕРГАНОВА
«ISHONCH»



